



Taisce focal 1:

Ag úsáid foclóra chun do scileanna gabhchumais a fhorbairt

An Foclóir Beag: foclóir Gaeilge-Gaeilge. Foclóir clóite agus ar fáil ar líne ag www.teanglann.ie. Seo é an foclóir ina dtugtar an míniú duit as Gaeilge. Tá an foclóir seo ar fáil mar leabhar clóite nó mar chuid de www.teanglann.ie

- Bain úsáid as an bhFoclóir Beag chun brí fhocail nua-fhoghlamtha a bhreacadh i do loga foghlama.
- Má tá níos mó ná brí amháin leis an bhfocal, tugtar an bhrí is coitianta ar dtús.
- Tugtar samplaí eile d'úsáid an fhocail mar chuid de nath. Féach an sampla thíos:

bosca fir⁴ aon ártach coinneála d'adhmaid, de mhiotal, de chairtehlár etc.

▶ **bosca ceoil** mileoidean

▶ **bosca compáis** bosca a gcoinnítear compás loinge ann

▶ **bosca faoistine** bosca a n-éistear faoistiní ann

Nodanna don scoláire faoi fhoclóir clóite a úsáid

- Bíonn foclóir in ord aibítire. Tosaíonn sé leis an litir A agus críochnaíonn le Z.
- Tugann an focal ar bharr an leathanaigh treoir duit chun teacht ar an bhfocal atá uait.
- Nuair atá tú ag cuardach brí fhocail (m.sh. focal nó nath as alt / as úrscéal srl), déan cinnte go bhfuil an litriú i gceart agat.
- Bíonn roinnt focal atá an-chosúil le chéile ach amháin go bhfuil fada ar cheann acu, m.sh. *lon* agus *lón*, *ait* agus *áit*. Tá brí na bhfocal seo an-éagsúil óna chéile!
- Bíonn níos mó ná brí amháin le roinnt focal. Is gá machnamh a dhéanamh ar cén bhrí atá i gceist sa chomhthéacs seo. Léigh na samplaí a thugtar san fhoclóir chun teacht ar an mbrí chuí.
- Breac an focal síos i do loga foghlama pearsanta leis an míniú as Gaeilge, más féidir.

Breis Eolais

Uaireanta, feicfidh tú litreacha agus uimhreacha in aice leis na focail. Mar shampla **páirc b**. Tugann an *b* le fios go bhfuil an focal "páirc" baininsneach. Is giorrúchán é *b.*, is é sin, leagan gearr den fhocal 'baininsneach'. Seo thíos liosta de chuid de na príomhghiorrúcháin chun tús a chur leis an bhfoghlaim:

• Giorrúcháin
• copail = an chopail 'is' (Is / Ní / An? / Nach?)
• f = firinsneach (nó m = masculine)
• b = baininsneach (nó f = feminine)
• ua = uatha (nó sg = singular)
• iol = iolra (nó pl = plural)
• aid = aidiacht (nó a/adj = adjective)
• a/ainm = ainmfhocal (nó s/noun = noun)
• br = briathar (nó v/verb = verb)
• rfh = réamhfhocal (nó prep. = preposition)

Foclóir Uí Dhómhnaill: Foclóir clóite Gaeilge-Béarla atá ar fáil ar www.teanglann.ie

- Tá an foclóir seo ar fáil mar leabhar clóite nó mar chuid de www.teanglann.ie: Tugtar príomhbhrí an fhocail Ghaeilge as Béarla.
- Tugtar samplaí ansin den fhocal i gcomhthéacs nó i nathanna coitianta



- I gcás ainmfhocail, tugtar an focal san uimhir uatha (sg) agus críoch an fhocail san uimhir iolra (npl)
- Tugtar inscne ar ainmfhocail (b = baininscneach, f = firinscneach)

Nodanna don fhoghlaim chomhtháite:

Le **teanglann.ie** is féidir cliceáil ar *foghraíocht* chun éisteacht le fuaimniú an fhocail sna trí mhórchanúint: *U = Canúint Uladh; C = Canúint Chonnacht; M = Canúint na Mumhan.*

Tar éis duit dul sa tóir ar phríomhbhrí an fhocail san fhoclóir Gaeilge/Béarla, cliceáil ar an bh**Foclóir Beag** chun teacht ar mhíniú ar an bhfocal i nGaeilge. Scríobh síos an míniú as Gaeilge i do loga foghlama.

Taisce focal 2:

Ag úsáid foclóra chun do scileanna ginchumais a fhorbairt Ag cuardach focail ar www.focloir.ie: foclóir Béarla-Gaeilge

- Scríobh do rogha focail i mBéarla sa bhosca cuardaigh; cliceáil ar an gcnaipe cuardaigh.
- Tíocfaidh an focal Gaeilge aníos ar an scáileán.
- Bíonn níos mó ná brí amháin le roinnt focal, agus beidh focal Gaeilge difriúil i gceist i ngach cás. Mar shampla, má lorgaíonn tú an focal 'light', gheobhaidh tú dhá fhocal, *solas* agus *éadrom*. Is gá machnamh a dhéanamh ar cén bhrí atá i gceist sa chomhthéacs agat. Léigh na samplaí agus na nodanna a thugtar san fhoclóir chun teacht ar an bhfocal cuí.
- Tugtar samplaí ansin den fhocal i gcomhthéacs nó i nathanna coitianta

Cabhair d'fhoghlaim na gramadaí:

- Más ainmfhocal é an focal atá á lorg agat, tugtar inscne an fhocail duit (masculine/firinscneach, feminine/baininscneach)
- Má bhrúnn tú ar an inscne, osclaíonn tú bosca beag cabhrach eile leis an bhfocal san uimhir uatha, san uimhir iolra, sa tuiséal ginideach uatha agus sa tuiséal ginideach iolra
- I gcás na mbriathra, is féidir cliceáil ar an bhfocal 'verb' agus beidh tú in ann an briathar sin a fheiceáil sna haimsirí ar fad.



Nodanna don fhoghlaim chomhtháite

Le **focloir.ie**, is féidir cliceáil ar C, M nó U chun éisteacht le fuaimniú an fhocail sna trí mhórchanúintí: *C = Canúint Chonnacht; M = Canúint na Mumhan; U = Canúint Uladh.* Tar éis duit éisteacht leis an bhfocal i do rogha canúna, déan an focal a chleachtadh. Is féidir dul go dtí an **Foclóir Beag** chun teacht ar mhíniú ar an bhfocal i nGaeilge. Scríobh síos an míniú as Gaeilge i do loga foghlama.

